

1. Tekau mā rima tāra (\$15) te moni a Māia. Ka hoatu tētahi wāhanga o āna moni ki a Hekenui, ko te toenga ki a Horowai.
 - a. Tuhia he whārite hei tātai i te moni ka riro i a Horowai.
 - e. Whakamahia te whārite hei tātai i te moni ka riro i a Horowai mēnā \$3.55 ka hoatu ki a Hekenui.
 - h. Tuhia he whārite hei tātai i te moni ka riro i a Hekenui.
 - i. Whakamahia te whārite hei tātai i te moni ka riro i a Hekenui mēnā \$9.35 ka hoatu ki a Horowai.

2. E waru tekau hēneti (0.80c) te utu ā-hāora mō te whakatū motukā ki te huarahi matua o Ahuriri.


- a. Tuhia he whārite hei tātai i te utu mō te whakatū motukā ki tēnei wāhi.
- e. Whakamahia te whārite hei tātai i te utu mō te 2.5 hāora.
- h. Whakamahia te whārite hei tātai i te utu mō te 3 hāora me te 15 meneti.
- i. Mēnā e mōhio ana koe ki te utu mō te whakatū motukā ki tēnei wāhi, tuhia he whārite hei tātai i ngā hāora.
- k. Whakamahia te whārite hei tātai i ngā hāora e tū ana te motukā mēnā \$2.40 te utu.



- m. Whakamahia te whārite hei tātai i ngā hāora e tū ana te motukā mēnā \$1.20 te utu.

3. E \$3 te utu mō te waea noa atu ki te tono i tētahi tēkehi. I tua atu i tērā, ko te \$2.50 mō ia manomita (km).

- a. Tuhia he whārite hei tātai i te utu mō te tēkehi mēnā e mōhio ana koe ki te tawhiti o te haere.
- e. Whakamahia te whārite hei tātai i te utu mō tētahi haerenga e 4km te tawhiti.



- h. Whakamahia te whārite hei tātai i te utu mō tētahi haerenga 11km te tawhiti.
- i. Mēnā e mōhio ana koe ki te utu mō te tēkehi, tuhia he whārite hei tātai i te tawhiti o te haere.
- k. Whakamahia te whārite hei tātai i te tawhiti o te haere mēnā e \$28.00 te utu.